

Møteprotokoll for Administrasjonsutvalet

Møtedato: 24.11.2016
Møtestad: Nytt bygg i Knarvik (tidl. Western Geco)
Møtetid: 09:30 - 11:00

Kl. 11:00 er det felles synfaring i bygget for administrasjonsutvalet og formannskapet.

Kl. 11:30 er det felles lunsj

Frammøtte medlemmer	Parti	Rolle
Astrid Aarhus Byrknes	KRF	Utvalseiar
Jarle Vassdal	SP	Medlem
Nina Stabell Øvreås	FRP	Medlem
Liv Berit Haukås	FAG	Medlem

Forfall meldt frå medlem:	Parti	Rolle
Dag Hugaas	AP	Nestleiar
Vigdis Markussen	DE	Medlem
Jarle Næss	UTD	Medlem

Frammøtte varamedlemmer:	Parti	Erstatter medlem
Nina Bognøy	AP	Dag Hugaas
Elisabeth Øye Halle	SPL	Vigdis Markussen

Følgjande frå administrasjonen møtte:

Helge Erik Tangen-personalsjef, Hogne Haugsdal-ass.rådmann, Janne Sund-økonomisjef, Kristin Moekommunalsjef, Tove Mette Arnø Fyllingen-sekretær

Sakliste

Saknr	Tittel
018/16	Godkjenning av innkalling og sakliste
019/16	Godkjenning av møteprotokoll 20.10.2016
020/16	Informasjonssaker fra rådmannen
021/16	Økonomiplan 2017-2020

018/16: Godkjenning av innkalling og saksliste

Rådmannen sitt framlegg til vedtak:

Innkalling og saksliste vert godkjent

24.11.2016 Administrasjonsutvalet

Ingen merknader, samrøystes.

ADM - 018/16 VEDTAK:

Innkalling og saksliste er godkjent

019/16: Godkjenning av møteprotokoll 20.10.2016

Rådmannen sitt framlegg til vedtak:

Møteprotokollen vert godkjent

24.11.2016 Administrasjonsutvalet

Ingen merknader, samrøystes.

ADM - 019/16 VEDTAK:

Møteprotokollen er godkjent

020/16: Informasjonssaker fra rådmannen

Rådmannen sitt framlegg til vedtak

Meldinga vert teke til orientering.

24.11.2016 Administrasjonsutvalet

Orientering om status kommunestruktur, førebuande fellesnemnd.

Personalsjef Helge Tangen: Retningslinjer for bruk av sosiale media.

Ass.rådmann Hogne Haugsdal: Lindås 2019, virksomhetsplaner på einings- og avdelings- nivå. Det vert ei grundig orientering om Lindås 2019 i neste møte.

Personalsjef Helge Tangen: Lindås kvalitet, personalhandbok.

Rådmannen sitt framlegg vart samrøystes vedteke.

ADM - 020/16 VEDTAK:

Meldinga er teke til orientering.

021/16: Økonomiplan 2017-2020

Rådmannen sitt framlegg til vedtak

1. Investeringsbudsjettet for 2017 er basert på forventa framdrift på tidlegare vedtekne prosjekt i tillegg til nokre mindre nye prosjekt og rammer. Ut frå framdriftsplanen tar Lindås kommune opp 115 225 000 kr i lån på generelle investeringar i 2017 og 122 000 000 kr i lån på sjølvkostområdet (vann og avløp). Låna har flytande rente og 30 års nedbetalingstid.

2. Økonomiplan for 2017-2020 og årsbudsjett for 2017 blir vedteke. Årsbudsjettet for 2017 blir vedteke på sum netto driftsrammer for dei seks tenesteområda, jf. eigen tabell.

3. Rådmannen får fullmakt til å fordele sentralt avsett lønsauke og sentralt budsjettert innsparing til tenestemråda.

4. I medhald av eigedomsskattelova, §§ 2 og 3 bokstav c), skal det for skatteåret 2017 skrivast ut igedomsskatt på verk og bruk. Eigedomsskattesatsen er 7 promille (jf. esktl. §11). Eigedomsskatten skal betalast i to terminar. Ved taksering og utskrivning av eigedomsskatt bruker kommunen vedtekter for taksering av eigedomsskatt gjeldande frå 1.1.2013.

5. Formannskapet får fullmakt til å avgjera einskildsaker om skattefritak og nedsetting- /ettergjeving.

6. Det vert gjeve ei ramme på 950 000 kr til kontrollutvalet.

7. Det skal overførast 2 000 000 kr frå generelt disposisjonsfond til fond for nærmiljø og friluftsanlegg.

8. Det vert gjeve eit driftstilskot til Lindås kyrkjelege fellesråd på 11 000 000 kr.

9. Skatteøre vert sett lik maksimal sats i samsvar med Stortinget sitt vedtak om kommunalt skatteøre.

10. Godtgjersle til ordførar blir sett til 1 097 383 kr og til varaordførar 438 953 kr for 2017.

24.11.2016 Administrasjonsutvalet

Økonomisjef Janne Sund orienterte om økonomiplanen.

Uttale fra Jarle Næss, utdanningsforbundet, vart lagt fram i møtet.

UTTALE TIL BUDSJETT OG ØKONOMIPLAN FOR 2016-19

Utdanningsforbundet Lindås ønskjer at denne uttalen følgjer med budsjettsaka inn til politisk handsaming.

Utdanningsforbundet Lindås har følgjande uttale:

Barnehage

Det er positivt at det ikkje ser ut til å bli kutta i økonomien til barnehagane, all den tid at barnehagane i Lindås framleis ligg lågt i kostnad samanlikna med barnehagar i andre kommunar frå same kommunegruppe. Ein tid har det vore høgt sjukefråvere blant dei tilsette i dei kommunale barnehagane, og vi får melding om at det same er tilfelle i ein del av dei private. Med lågt bemanningsnivå i barnehagane, er ein ekstra sårbar når det skjer. Det har kome ein del avviksmeldingar på grunn av dette. Vi vil minne om at bemanninga kan sjå bra ut på papiret, men når ein tar med i berekninga at dei tilsette er spreidd utover ei lang opningstid, og at dei tilsette må ha tid til møte, planlegging og administrasjon, er det krevjande å få kvardagen til å gå i hop sjølv i ein normalsituasjon.

Skule

Det er med stor uro vi ser at det nok ein gong er foreslått kutt i stillingar i grunnskulen. Det låg an til kutt på fem årsverk for inneverande skuleår, men stillingane vart redda på grunn av statlege middel til tidleg innsats på nærare ti årsverk. Verknaden for dette skuleåret har vore at ungdomsskulane, og til dels mellomsteget, har ein særskilt krevjande bemanningssituasjon. Ein god del av midla til tidleg innsats for dei yngste, har gått til «brannsløkking» i høve til krevjande åtferd i staden for til styrka undervisning.

I økonomiplanen ser det ut til at talet på elevar per lærarårsverk har gått ned i Lindås kommune dei siste åra. Når ein tar med at det har vore ei stor auke i spesialundervisning og framandspråklege elevar som kjem midt i skuleåret, har talet på elevar i klasserommet i normalundervisning auka. Òg i

ungdomsskulen har auka i timar til spesialundervisning og til oppfølging av framandspråklege elevar vore stor. Når ein samstundes ser at talet på elevar per lærar òg har auka, vil det seie at elevtal per lærar i ordinær undervisning har auka betydeleg.

Den knappe bemanninga i skulen utgjør ein stor belastning for dei tilsette, og kvaliteten på undervisninga og oppfølginga av den einskilde elev er i fare. Det er ein skrikande mangel på vikarar, og rektorar og inspektørar har vanskeleg for å få kabalen til å gå opp.

Det er ei målsetjing å få ned andelen med spesialundervisning. Vi meiner at auka i spesialundervisning dei siste åra delvis kan sjåast i samheng med at det har blitt kutta i timar til deling og styrking. Kutt i talet på årsverk, utan at ein kan sjå ei markant nedgang i spesialundervisninga, vil ramme særst hardt. Det er vanskeleg å sjå for seg at det i det heile tatt er forsvarleg. Vi er den situasjonen at ein skule vurderer å begynne å permittere elevar på grunn av så låg grunnbemanning at sjukefråvere får store følgjer for drifta.

Vi meiner det er misvisande når det i økonomiplanen er oppført eit overforbruk på stillingar i grunnskulen første halvår 2016. Over tre firedelar av «overforbruket» er stillingar som blir finansiert direkte frå Staten (tidleg innsats og til dels flyktningar), andre kommunar (gjesteelevar) og frikjøp frå mellom anna Utdanningsforbundet. Resten er i hovudsak knytt til ei auke i elevar med særst krevjande åtferd. Frikjøp frå Utdanningsforbundet har ingen utslag på talet på årsverk som blir brukt.

Lindås kommune ønskjer kvalitet i grunnskulen. Lindås kommune ønskjer å styrke ordinær undervisning og kutte i spesialundervisning. Elevtalet er dei neste åra framleis aukande. Det er prisverdig at kommunen vil investere store summer på nybygg, men om ikkje det i botn ligg ressursar nok til å drive god undervisning, vil kvaliteten bli dårlegare.

Det har i mange år blitt sagt at ressursbruken i Lindåsskulane ligg høgt samanlikna med andre kommunar i same kommunegruppe. Dette er ikkje lenger tilfelle.

Det er vanskeleg å få tak i kvalifiserte vikarar utanfrå. Dette gjer at lærarar, inspektørar og rektorar strekk seg veldig langt for å dekke vikarbehovet, men likevel er det ein utstrakt bruk av ukvalifiserte vikarar. Dette er ikkje ei ønskt situasjon. Utdanningsforbundet Lindås foreslo for eitt år sidan at det skulle gjerast forsøk med ein kommunal vikarpool for lærarar for å sikre ein betre tilgang på vikarar. Vi hadde mange gode søkjarar til inneverande skuleår. Vi fikk avslag i høve til vikarpool. Når vi no ser at det lysast ut lærarstillingar som det nesten ikkje er søkjarar til, og der søkjarane ofte ikkje er kvalifiserte, vil vi nok ein gong be Lindås kommune om å vurdere vikarpool. Stord kommune har starta med dette for lærarar, og meldinga derifrå seier at det har vært ein så stor suksess både økonomisk og i høve til redusert belastning på dei tilsette, at dei vurderer å utvide ordninga.

Uttalen vert lagt ved i protokollen og følg saka vidare.
Framlegget med uttalen vart samrøystes vedteke.

ADM - 021/16 UTTALE:

Administrasjonsutvalet har ingen merknader til økonomiplanen.
